

Cofnodion cyfarfod gyda Chyngor Ysgol, Ysgol Gynradd Dolau

|         |                         |
|---------|-------------------------|
| Dyddiad | Dydd Iau 10 Hydref 2024 |
| Amser   | 13:30                   |
| Math    | Wyneb yn wyneb          |

| Presenoldeb     |                           |                                                                         |
|-----------------|---------------------------|-------------------------------------------------------------------------|
| Enw             | Llythrennau cyntaf yr enw | Teitl                                                                   |
| Gaynor Davies   | GD                        | Cyfarwyddwr Addysg a Gwasanaethau Cynhwysiant                           |
| Andrea Richards | AR                        | Cyfarwyddwr Gwasanaeth – Ysgolion yr 21ain Ganrif a Materion Trawsnewid |
| Sarah Nicholls  | SN                        | Swyddog Ysgolion yr 21 <sup>ain</sup> Ganrif                            |
| Richard Bowen   | RB                        | Swyddog Ysgolion yr 21 <sup>ain</sup> Ganrif                            |
| Bethan Gannon   | BG                        | Swyddog Ysgolion yr 21 <sup>ain</sup> Ganrif                            |
| Nia Pugh        | NP                        | Pennaeth dros dro Ysgol Gynradd Dolau                                   |
| 8 disgybl       | Dd/B                      | Cyngor Ysgol, Ysgol Gynradd Dolau                                       |

1. Croeso a Chyflwyniadau

Cyflwynodd y swyddogion a oedd yn bresennol eu hunain i'r Cyngor Ysgol a diolchwyd iddyn nhw am ddod i'r cyfarfod. Cyflwynodd y Cyngor Ysgol eu hunain.

2. Trosolwg o'r Ymgynghoriad

Rhoddodd GD drosolwg o'r cynnig a'r broses ymgynghori i'w dilyn i'r Cyngor Ysgol, yn ôl yr hyn sydd wedi'i nodi yn y Ddogfen Ymgynghori.

3. Cwestiynau'r Cyngor Ysgol

Gwahoddwyd Cyngor Ysgol Gynradd Dolau i ofyn cwestiynau a gwneud sylwadau. Mae'r cwestiynau a'r sylwadau a wnaed wedi'u crynhoi yn y tabl sy'n dilyn ynghyd â'u hymateb, lle bo angen.

| Nifer | Cwestiynau                                                                                                              | Ymateb                                                                                                                                                        |
|-------|-------------------------------------------------------------------------------------------------------------------------|---------------------------------------------------------------------------------------------------------------------------------------------------------------|
| 1.    | A fydd gan yr iard marciau llinell chwaraeon arno?                                                                      | Bydd, bydd marciau chwaraeon ar yr iard.                                                                                                                      |
| 2.    | A oes modd i ni gynnal ein sesiynau hyfforddi pêl-droed ar y cae chwaraeon?                                             | Wrth gwrs. Mae modd rhannu'r cyfleusterau chwaraeon rhwng y ddwy ysgol a hefyd gyda'r gymuned. Bydd llwybr troed rhwng yr ysgolion i ganiatáu mynediad hawdd. |
| 4.    | A yw ein timau chwaraeon yn mynd i fod yr un peth neu a fyddan nhw'n wahanol oherwydd byddwn ni mewn ysgolion gwahanol? | Mater i staff yr ysgol fydd hyn. Mae llawer o opsiynau ar gael o ganlyniad i'r gallu i rannu cyfleusterau chwaraeon.                                          |
| 5.    | Rydych chi'n gobeithio am ragor o siaradwyr Cymraeg, ond bydd tynnu'r                                                   | Mae holl ysgolion Rhondda Cynon Taf yn edrych ar bwysigrwydd defnyddio'r                                                                                      |

|     |                                                                                                                                                                        |                                                                                                                                                                                                                                                        |
|-----|------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------|
|     | disgyblion cyfrwng Cymraeg o Ysgol Gynradd Dolau yn golygu llai o gyfle i'r disgyblion cyfrwng Saesneg siarad Cymraeg (amser chwarae neu wrth ymarfer gyda ffrindiau). | Gymraeg, hyd yn oed ein hysgolion cyfrwng Saesneg. Bydd cyfleoedd i ddisgyblion cyfrwng Saesneg barhau i ymarfer a defnyddio'r Gymraeg, ond rydyn ni'n cydnabod bod hwn yn bwynt da i'w godi.                                                          |
| 6.  | A gawn ni wersi yn yr ysgol arall os defnyddiwn ni'r llwybr troed newydd?                                                                                              | Mater i'r Penaethiaid fydd pryd fydd y ddwy ysgol yn dod at ei gilydd neu'n defnyddio cyfleusterau ei gilydd.                                                                                                                                          |
| 7.  | Beth fydd y wisg ysgol ar gyfer yr ysgol newydd.                                                                                                                       | Dydyn ni ddim wedi penderfynu ar hyn eto. Staff ysgol a disgyblion sy'n gwneud y penderfyniad fel arfer. Rydyn ni hyd yn oed wedi cael disgyblion i ddylunio eu bathodyn ysgol yn y gorffennol.                                                        |
| 8.  | Mae hyn yn syniad da oherwydd byddai ysgol cyfrwng Cymraeg yn lle gwell i siarad rhagor o Gymraeg.                                                                     | Mae hwn yn bwynt pwysig. Bwriad y cynnig yw cynyddu nifer y disgyblion cyfrwng Cymraeg.                                                                                                                                                                |
| 9.  | A fydd unrhyw wersi Saesneg yn yr ysgol newydd?                                                                                                                        | Bydd. Mae ysgolion cyfrwng Cymraeg hefyd yn cael gwersi Saesneg fel bod modd i ddisgyblion wella eu sgiliau yn y ddwy iaith.                                                                                                                           |
| 10. | Byddai'r cynnig yma'n golygu newidiadau i Ysgol Gynradd Dolau. A fydd yn rhaid i ni newid ein hanthem ysgol oherwydd ei bod yn Gymraeg?                                | Nid yw'r cynnig yn golygu na all fod dim Cymraeg yn Ysgol Gynradd Dolau. Wrth gwrs, gallai Ysgol Gynradd Dolau dal i gael anthem ysgol Gymraeg pe bai'r ysgol yn dymuno.                                                                               |
| 11. | Ydych chi wedi ystyried effaith y cynnig ar draffig lleol?                                                                                                             | Bydd Cyngor Bwrdeistref Sirol Rhondda Cynon Taf yn cynnal asesiadau sy'n canolbwyntio ar fynediad i'r gymuned a'r llwybrau diogel y gallai disgyblion eu cymryd i gyrraedd yr ysgol (naill ai drwy gerdded neu feicio).                                |
| 12. | Faint o ddosbarthiadau ydych chi'n bwriadu eu cael yn yr ysgol newydd?                                                                                                 | Bydd 16 dosbarth yn yr ysgol newydd (ynghyd â dau ddosbarth meithrin).                                                                                                                                                                                 |
| 13. | A fydd pwll nofio yn yr ysgol newydd?                                                                                                                                  | Na fydd.                                                                                                                                                                                                                                               |
| 14. | Mae hyn yn syniad da oherwydd bydd mwy o ddisgyblion yn golygu y mae modd i ni wneud ffrindiau newydd.                                                                 | Wedi'i nodi.                                                                                                                                                                                                                                           |
| 15. | A fyddai disgyblion cyfrwng Cymraeg yn gorfod mynd i'r ysgol newydd, neu a fyddai modd iddyn nhw aros yn Ysgol Gynradd Dolau?                                          | Mae'r cynnig yn gofyn am farn pobl ar hyn o bryd. Bydd gan rieni/gwarcheidwaid a disgyblion ddewis i ba ysgol i fynd iddi, ond byddai'r ysgol newydd yn un cyfrwng Cymraeg yn unig, a byddai Ysgol Gynradd Dolau yn newid i fod yn un cyfrwng Saesneg. |

|     |                                                                                                                                                      |                                                                                                                                                                                                                                                                                          |
|-----|------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 16. | A fydd y Cyngor yn plannu mwy o goed os byddwch chi'n cael gwared ar rai i adeiladu'r ysgol newydd?                                                  | Bydd, bydd llawer o blannu ar y safle newydd. Bydd y contractwr adeiladu hefyd yn gwneud llawer ar gyfer yr amgylchedd y tu allan i'r safle.                                                                                                                                             |
| 17. | Os oes gan ddisgyblion frodyr neu chwiorydd iau, a fydd raid iddyn nhw symud i'r ysgol newydd hefyd, neu a fydden nhw'n aros yn Ysgol Gynradd Dolau? | Pe bai Ysgol Gynradd Dolau yn newid i ysgol cyfrwng Saesneg, ni fyddai'n ysgol dwy iaith mwyach. Mae hyn yn golygu y bydd pob disgybl cyfrwng Cymraeg yn mynd i'r ysgol newydd os yw'r rhieni/gwarcheidwaid yn dewis parhau ag addysg cyfrwng Cymraeg.                                   |
| 18. | Rydw i'n cytuno â'r syniad newydd oherwydd y tai newydd, a bydd yn dda i'r gymuned.                                                                  | Wedi'i nodi.                                                                                                                                                                                                                                                                             |
| 19. | A fyddai unrhyw groesfannau ffordd ar gyfer disgyblion sy'n cerdded i'r ysgol?                                                                       | Edrychir ar lwybrau cerdded diogel i'r ysgol i weld beth sydd ei angen. Mae diogelwch yn bwysig. Gallai disgyblion gerdded neu feicio i'r ysgol a bydd storfa feiciau yn yr ysgol newydd.                                                                                                |
| 20. | Faint o'r glo brig fyddwch chi'n ei ddymchwel? Mae llawer o bobl yn ei ddefnyddio.                                                                   | Wrth i dai newydd gael eu hadeiladu, mae'n debygol y bydd llawer (os nad y cyfan) o'r glo brig yn cael ei ddefnyddio mewn rhyw ffordd gan y datblygiad. Dim ond rhan o hwn fydd yr ysgol yn ei gymryd.                                                                                   |
| 21. | A fyddwch chi'n cael gwared ar y llyn yn y glo brig?                                                                                                 | Bydd raid cael gwared ar rai o'r llynnoedd gan y byddan nhw o dan yr ysgol newydd, ond mae yna ardaloedd na fydd yr ysgol newydd yn cyffwrdd â nhw. Rhaid i'r contractwr adeiladu sicrhau ei fod yn gofalu am unrhyw fywyd gwyllt/anifeiliaid sydd yno i'w hamddiffyn rhag y datblygiad. |
| 22. | A fyddwch chi'n dymchwel y cae pêl-droed lleol i osod y tai newydd?                                                                                  | Ein dealltwriaeth ni yw y bydd y tai yn mynd ar y safle glo brig.                                                                                                                                                                                                                        |
| 23. | A fydd gathiau i ddefnyddio'r cyfleusterau newydd, neu a fyddan nhw ar agor i unrhyw un?                                                             | Bydd y cyfleusterau yn cael eu diogelu gan gât, ond mae gan yr ysgol reolaeth dros unrhyw ddefnydd cymunedol.                                                                                                                                                                            |
| 24. | Mae'r cynlluniau'n sôn am ystlumod ac ymlusgiaid – a fydd ystlumod ar y safle newydd?                                                                | Bydd blychau ystlumod, tai draenogod, ayyb, ar y safle newydd. Rydyn ni'n ceisio amddiffyn cymaint o natur â phosibl.                                                                                                                                                                    |
| 25. | Dylen ni gael rhagor o oleuadau stryd a phalmentydd llyfnach.                                                                                        | Wedi'i nodi. Caiff y sylw ei drosglwyddo i Adran Briffyrdd y Cyngor.                                                                                                                                                                                                                     |
| 26. | A fydd modd i bobl gerdded trwy'r glo brig i gyrraedd y stiwdios ffilmio?                                                                            | Mae'n debyg y bydd llawer o'r glo brig yn cael ei ddatblygu dros amser oherwydd y tai newydd sy'n cael eu hadeiladu. Serch hynny, bydd parciau                                                                                                                                           |

|     |                                                                                                                                                                                                  |                                                                                                                                                                                              |
|-----|--------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------|
|     |                                                                                                                                                                                                  | a chyfleusterau eraill y bydd modd i bobl leol eu defnyddio a'u mwynhau.                                                                                                                     |
| 27. | Rydw i'n cytuno â'r cynnig oherwydd nifer y tai sy'n cael eu hadeiladu. Byddai mwy o ddisgyblion yn ymuno ag Ysgol Gynradd Dolau, a byddai'n mynd yn rhy llawn.                                  | Wedi'i nodi.                                                                                                                                                                                 |
| 28. | A oes digon o leoedd mewn ysgolion eraill yn yr ardal gyfagos?                                                                                                                                   | Mae gan y Cyngor rwymedigaeth statudol i sicrhau bod digon o gapasiti yn ein hysgolion i ddiwallu'r angen/galw.                                                                              |
| 29. | A fydd graean a chae ar yr iard yn yr ysgol newydd?                                                                                                                                              | Rydyn ni'n ceisio osgoi graean oherwydd gall frifo os byddwch chi'n cwmpo. Rydyn ni'n ceisio edrych ar arwynebau eraill a fydd yn caniatáu i ddŵr fynd drwyddo, fel y cae pob tywydd.        |
| 30. | A allen ni ddefnyddio'r llwybr newydd rhwng yr ysgol i gerdded i'r ysgol yn lle mynd ar hyd y ffordd?                                                                                            | Gall hyn fod yn anodd gan na fydd yn llwybr cyhoeddus. Bydd yn llwybr troed i'w ddefnyddio yn ystod y diwrnod ysgol.                                                                         |
| 31. | Mae gwahanu ysgolion cyfrwng Saesneg a chyfrwng Cymraeg fel gwahanu hufen iâ wedi toddi. Bydd yn gwahanu ffrindiau.                                                                              | Mae ffrindiau'n bwysig. Rydyn ni'n gobeithio y gall perthynas agos fod rhwng y ddwy ysgol, yn enwedig gyda'r llwybr troed newydd a'r cyfleusterau a rennir.                                  |
| 32. | A fydd ffrâm ddringo tu allan yr ysgol newydd? Mae un yn Ysgol Gynradd Dolau.                                                                                                                    | Mae modd defnyddio'r llwybr troed i rannu cyfleusterau rhwng y ddau safle. Bydd hwn yn benderfyniad i'r ysgolion ei wneud.                                                                   |
| 33. | Rydych chi'n gwario £15 miliwn ar yr ysgol newydd – a fydd hyn i gyd yn mynd ar yr ysgol neu a fydd rhywfaint ohono'n cael ei arbed ar gyfer pethau arbennig i'r ysgol (fel disgo'r ysgol ayyb)? | Bydd yr holl £15 miliwn yn mynd ar adeiladu'r ysgol newydd. Mae gan ysgolion eu cyllidebau eu hunain i'w defnyddio ar gyfer pethau fel disgos ysgol.                                         |
| 34. | A fydd yr ysgol newydd yn effeithio ar gyllidebau ysgolion eraill yn Rhondda Cynon Taf?                                                                                                          | Bydd y datblygwr tai yn cyfrannu at gost y prosiect, yn ogystal â'r Cyngor a Llywodraeth Cymru.                                                                                              |
| 35. | Rydw i'n argymhell meinciau metel ar gyfer yr ysgol newydd gan fod meinciau pren yn mynd yn rhy wlyb.                                                                                            | Rydyn ni'n hoffi defnyddio pethau o'r enw 'meinciau cyfeillion' yn rhai o'n hysgolion newydd, ac mae modd i'r rhain gael eu gwneud o blastig wedi'i ailgylchu.                               |
| 36. | A fydd noddwr elusen ar gyfer yr adeilad newydd?                                                                                                                                                 | Mae'r adeiladwr yn gwneud rhywbeth a elwir yn fuddion cymunedol. Gallai hyn gynnwys cefnogi elusennau lleol, a bydd modd i'r ysgol roi mewnbwn ynghylch beth ddylai'r buddion cymunedol fod. |
| 37. | A fydd raid cael cit pêl-droed/rygbi newydd ar gyfer yr ysgol newydd?                                                                                                                            | Bydd, mae hyn yn debygol. Bydd modd i'r ysgol newydd benderfynu                                                                                                                              |

|     |                                                            |                                                                                                                                                              |
|-----|------------------------------------------------------------|--------------------------------------------------------------------------------------------------------------------------------------------------------------|
|     |                                                            | beth fydd ei gwisg ysgol a'i chitiau chwaraeon.                                                                                                              |
| 38. | A fydd unrhyw gymorth i ddisgyblion ag anghenion arbennig? | Bydd, wrth gwrs. Bydd y Cyngor yn sicrhau bod disgyblion yn cael y cymorth sydd ei angen arnyn nhw ar gyfer unrhyw anghenion dysgu ychwanegol sydd gyda nhw. |

#### 4. Sylwadau i Gloi

Hysbyswyd Cyngor yr Ysgol y byddai cyfle dros yr wythnosau nesaf iddyn nhw fyfyrion ar y cwestiynau ac ymatebion a chyflwyno cwestiynau ychwanegol lle bo angen.

Mae aelodau Cyngor yr Ysgol wedi cael eu hannog i gymryd rhan drwy lenwi'r arolwg ar-lein, neu anfon sylwadau ysgrifenedig at [CynllunioYsgolion@rctcbc.gov.uk](mailto:CynllunioYsgolion@rctcbc.gov.uk)

Diolchwyd i bawb a oedd yn bresennol am gymryd rhan yn y cyfarfod.

Daeth y cyfarfod i ben am 15:00.

#### Ymgysylltiad Disgyblion – Ymarfer 'Dweud eich Dweud'

Yn rhan o'r ymarfer ymgysylltu â disgyblion Ysgol Gynradd Dolau, rhoddwyd cyfle i bob disgybl 'dweud ei ddweud' drwy ysgrifennu eu sylwadau a'u safbwyntiau mewn perthynas â'r cynnig.

Mae'r sylwadau a'r safbwyntiau o'r ymarfer yma wedi'u cofnodi'n themâu cyffredinol fel y dangosir yn y tabl dilynol, ynghyd â llun sy'n darlunio enghraifft o un o'r ymarferion 'dweud eich dweud'.

| <b>Sylwadau/themâu disgyblion</b>                                                        |                                       |
|------------------------------------------------------------------------------------------|---------------------------------------|
| <b>Sylwadau</b>                                                                          | <b>Nifer o weithiau nodwyd sylw y</b> |
| Rydyn ni'n dysgu mwy o Gymraeg Ysgol Gynradd Dolau gan ei bod yn ddwy iaith.             |                                       |
| Dylai disgyblion yn y ffrwd cyfrwng Cymraeg ddewis a ydyn nhw'n dymuno gadael.           | 2                                     |
| Cyfeillgarwch wedi chwalu                                                                | 8                                     |
| Gwastraff arian                                                                          | 4                                     |
| Ddim yn meddwl y dylai'r ysgol newydd agor – mae'r Gymraeg yn rhan o Ysgol Gynradd Dolau |                                       |
| Pam Ysgol Gynradd Dolau?                                                                 |                                       |
| Ddim yn deg ar ddisgyblion cyfrwng Cymraeg.                                              |                                       |
| Mae'n syniad gwych!                                                                      | 2                                     |
| Os ydyn ni'n hollti, mae gyda ni ragor o gyfleoedd i siarad Cymraeg.                     |                                       |
| Ni fydd modd i ddisgyblion iau brofi'r profiad ysgol sydd gyda ni.                       |                                       |
| Dydw i ddim eisiau newid ysgolion!                                                       |                                       |

